

聖類思公撒格小傳

上海土山灣印書館印行

Nº 48

聖類思公撒格學生主保小傳

上海土山灣印書館印行

N° 48

1000 8 - 34


天主降生一千九百三十四年

上海主教惠重准

第七版



聖類思公撒格像



聖類思公撒格學生主保小傳目錄

聖人誕生	見一張
聖人世家	見三張
奉獻主母	見四張
偷放號砲	見七張
發童貞願	見十張
嚴齋祈禱	見十三張
講解要理	見十五張
勤行告解	見十八張
初領聖體	見二十張
渡河折車	見二十二張


臥房失火	見二十四張
受賞顯銜	見二十七張
發進會願	見三十張
人前受辱	見三十四張
辭去世爵	同上
進耶穌會	見三十八張
入院初學	見四十一張
羅瑪行乞	見四十三張
謹小慎微	見四十六張
著天神譜	見四十八張

衆人欽敬	見五十一張
勸和兩家	見五十四張
聖人愛主	見五十六張
服事病人	見五十九張
聖人臨終	見六十一張
聖心先導	見六十四張
現身療病	見六十七張
天上光榮	見七十張
第一聖殿	見七十三張
欽立聖品	同上
學生主保	見七十五張
師長敬求	見七十七張

聖類思公撒格學生主保小傳

聖人誕生

聖類思公撒格死後十三年，聖人之像已經行世。頭戴發光圈，供在聖人本鄉堂中，令人恭敬。其母瑪爾大喜極，親至像前，首先跪禱。斯時有一位多明我會神父，講道中，讚揚聖人，并向其母曰：福哉，聖人之母。令郎已登天國，永享真榮。天下婦人，即尊爲太后，豈復有更大更榮之福。自古以來，將軍克敵，非不大著其聲名。而爲其母者，豈能與汝相比乎。



溯聖類思公撒格生於天主降生一千五百六十八年三月初九日沙弟隆地方。父斐爾弟囊公撒格世襲諸侯。弟兄八人。聖人居長。

聖人世家

公撒格大族也。內有世襲侯爵。及爲芒都亞地方之主者。更有一事。爲天主所特賜於聖人之祖者。卽看守吾主聖心寶血是也。

原來羅瑪有一兵名隆仁。當耶穌釘死架上時。以長鎗刺透耶穌右肋。寶血從聖心流下。隆仁卽改惡從善。後將聖血携至芒都亞。勸人入教。終於爲主致命。

教皇良第三位、第九位、庇護第二位、俱頒諭旨、明告教友、證該處所存、真爲耶穌聖血。從前西國有一位大將、引十字軍、驅逐土耳其人。蒙教皇恩准胸懷聖血、前去迎敵者、卽味增爵公撒格也。若以信德之光論之、則聖類思公撒格光耀更巨、受恩更大、因其爲耶穌聖心之宗徒也。今在天上、宛若招呼聖教會諸少年、成一大隊十字軍、以切求耶穌聖心焉。

奉獻主母



母聖獻奉生誕思類

聖人之父、武職也。欲其長子熟習武藝，以承先業，惟其母不以爲然。蓋產前曾發願，將襁負新生之子，朝拜羅肋德聖室，產後卽獻之於天主聖母。天主及聖母受其祭獻，宜乎聖人所作之事，俱超出尋常萬萬也。

相傳聖人幼時，凡偶或捧抱之者，則熱愛天主之情，油然而生。故認識聖人者，皆謂此非世間孩兒，乃有肉身之天神也。

聖教會於聖類思瞻禮日課經中，果有一語曰：彼保守領洗後無辜之恩，如天主發顯聖跡，以聖寵堅定

者然。

偷放號砲

聖人之父、奉國君斐理伯第二之命、率領士卒三千、至土泥斯地方、攻土耳其人。見聖人端方穩重、恐其日後修道、卽令其嫻習技勇、爲之製甲冑、備干戈。聖人年方四歲、每逢噶撒爾城兵馬操演之時、必往觀看。不意變起不測、幾遭大禍。蓋聖人體父之志、熟演武藝。居軍營中、日久、膽量漸壯。一日、眾人歇晝時、聖人潛出遊玩、走至一處、見砲位莊嚴、思欲一試。適有小卒在旁熟睡、身帶葫蘆、內藏火藥。卽近前取下、填



8

放炮遇險天神救護

入砲中，點以火繩，砲聲響處，驚起合營。豈知砲位退後，聖人跌倒，不壓於砲座下者，只分寸間耳。斐爾弟囊因聖人妄爲，欲加嚴責，眾兵弁素愛公子，膽壯，遂爭先求免。後聖人自忖，若非天主大恩，萬無生全之理，且因火藥乃竊取而得，未免犯偷盜之罪，故向人明言，十分痛恨。惟思此時，若索于小卒，彼必慨然允諾，故稍覺自慰耳。


聖人在軍營中，又曾聞幾句惡言，未知其義。有時偶爾效之，竟出之於口。因此二事，屢次慘哭，以爲終身

大過。

紅衣主教貝辣而孟，曾爲聖人神師，嘗曰：類思於七歲時，認識天主，看輕世俗，始行德路。彼亦嘗言：我年七歲，乃回頭改過之時。類思七歲以前，在軍營中所作之事，我不知其有何意見。七歲以後，因天主仁慈奇妙，棄絕世俗之虛假。於是始修德業，致於成全。

發童貞願

聖人誦經默想，俱有定時。每日端跪地上，恭念聖母小日課，及達未聖王痛悔經七端。九歲時，在弗老倫大城讀書，寓王宮內，聖學大進。聖



貞守志矢歲十甫年

人嘗稱此城爲熱心之母，蓋言其在此城時，始生熱心也。

彼處有聖母領報堂一座，堂中供聖母領報像。聖人在像前，依依不捨，熱愛倍加，成聖母孝子。凡論及聖母，則熱愛之情，異常勃發，欲將所有孝思，分給眾人。一日，聖人在領報堂內，看耶穌會神父所著一書，論玫瑰經奧旨。忽然掩卷默思，仰視聖像，自忖此生，將以何事悅樂至潔天神母后，無玷童貞聖母之心。因起一念，靠託聖母慈恩覆庇，願守童貞。遂發永遠絕色之願。時年方十歲。天主聖母既受愛子之獻，常扶

持之、使不陷於慾情之誘。

嚴齋祈禱

紅衣主教貝辣而孟曰。類思既受如此特恩，從不敢自蹈危機，守齋補贖，嚴克己身，防守目司，尤爲謹慎。聖人克己非常，茲姑不論。人謂類思一生，可稱常齋，且時時若爲主致命者然。方今世人，大都貪愛溫飽，適意稱心，觀聖人之表，可以自警矣。類思又得天主特恩，能於祈禱時，毫不分心。一日，紅衣主教貝辣而孟問之曰。爾祈禱數點鐘之久，何能無一點分心。聖人答曰。我不解在天主臺前，如何尙



靜夜起身長跪祈禱


能分心。

聖人於祈禱時，雙膝跪地，寂然不動。心向天主，壹志凝神，卽有人在房中出入，亦不知覺也。

當與天主晤對時，受天主無數聖寵，自問無以報答。每對天主流淚，屢次濕透衣衫，甚至流至地上。家人於其默禱神往時，咸來觀看。伊母瑪爾大見子如此，心感天主寵錫，卽跪謝天主。因欣喜至極，亦不覺涕淚交流焉。

講解要理

聖人如此熱心，非但不害其讀書之功，反因欲中天



主之心、極盡本分、專志讀書、以求前進。聖人之明悟、及其聖德、可稱雙全。

讀書之暇、有時少歇、仍不妨神業。喜看前聖行實、及聖經等書。有時取耶穌會傳教神父在印度寄來之書信、閱之、則覺神火甚熾、亦願往彼傳教、冒險出力、一同勞苦、冀得上天榮福。

聖人在家中、往往效法宗徒、以講道勸人爲務。逢主日及瞻禮日、必入堂聽講要理。回家後、聚集幼童若干人、將所聞道理、述於彼聽。口講指畫、大有神味。講道時、訓導勸勉、無有遺漏。幼童之父母、亦多同來、樂

聞其訓。

勤行告解

聖人在弗老倫地方時，屢次告解，習以爲常。其初次告解，在耶穌會大學堂院長神父前，悔恨己罪，極其懇摯，以致神志昏眩，倒於神父足下。其師方濟各扶之起，送歸宮中，責其心神懦弱，謂之曰：人將疑汝爲無勇者也。聖人答曰：吁，天主美好如此，而我猶得罪之如此。聖人自認爲天下大惡之人，急欲發奮，總告一生罪過。厥後，自謂此次總告解得益甚大。



地 倒 眩 神 告 痛 悔 深

初領聖體

密良府總主教嘉祿聖人，巡查合屬教務。將至沙弟隆，類思聞之，忻喜異常，前往謁見主教，與之談天上事，爲時甚久，聞聖童之言，滿心喜悅。謂如此幼年，已有如此聖德，平生從未見過。聚談時，問類思曾屢領聖事否，聖人答以尙未初領聖體。主教曰：我將送汝聖體，汝敬受之。大約天主降生一千五百七十八年七月底，類思在聖嘉祿手，初領聖體。此時心中所覺之神味，惟清潔之靈，能知而言之。聖嘉祿離別時，諄囑類思勤領聖體，并屢誦羅瑪教理一書。



渡河折車

天主降生一千五百八十年間。斐爾弟囊命夫人瑪爾大，長子類思，及次子落多爾拂，至噶撒爾城一叙。途次過第新河，忽遭大險。時方下雨，河水大漲。類思偕師及弟，共坐一車。不意行至中流，車之前後交接處，猝然斷開。前半車爲落多爾拂所乘，隨馬前去。眾人拖之出河，已覺艱難。後半車爲類思與師所乘，被水衝至遠處，惟有待死而已。幸天主上能護持聖人。當怒水衝激時，河中有大樹，被暴風吹折，橫亘水面。將車輪擋住。得此少間，人來救起，得以不死。遂與同



渡河折車蒙主矜全

行諸人，入近處聖堂，謝天主聖母矜全之恩。未幾，又遇火災。類思之得以無恙，皆天主格外救拔之恩也。

臥房失火

聖童睡至半夜，每起身長跪祈禱，無間寒暑。屢次因嚴齋克苦之故，力量甚乏，倒在地板上，聖人仍續前工，從不停輟。

一夜，覺勞倦已極，即上牀偃臥。忽憶日常所誦之達味聖王痛悔七端，未曾奉獻，即起身誦之。畢，又睡。燈火未曾吹熄，竟爾延燒牀帳。及燒至被褥，始醒，覺身熱非常，猶疑瘡疾所致。繼知實爲失火，急忙起身，開



25

厄免佑主焚火牀臥


門大喊救火。其時火燄滿房，巡夜兵役，急速進房撲滅。將牀上各種火燒物件，擲諸莊外坑中，幸免焚燒屋宇。

倘類思睡熟不醒，必被焚死無疑。芒都亞宮中，傳聞此事，侯夫人令類思親述一番。答曰：此等事，乃天主顯跡，格外保護，毫無疑義。

聖人嘗明言，事無大小，我一心託在天主手中，鮮有不成者。卽事固極難，他人以爲無可盼望者，誠心求之，從無不獲者也。

受賞顯銜


天主降生一千五百八十一年，聖人居於西班牙國，斐理伯第二宮中，與太子亞各伯作伴。因皇太后欲聖人之母瑪爾大同回本國，故召聖人之父母及其二弟偕至西班牙國。聖人時年十三歲，得西班牙國之聖亞各伯騎衛榮銜。時人之敬聖人者，爲之塑一像。衣服冠履，悉照其榮銜，以爲記念。時在瑪特利特京城，習格物窮理之學，兼伴太子，出入送迎，費時甚多，故不能如前默禱，亦不能多領聖事。心中哀苦不堪，自覺缺乏神糧，力疲將倒，恐於聖



召漸漸冷淡，日後大有危險。乃至耶穌會神父巴德爾諾前，告已近狀，求其扶助。互談之下，合意同心，遂於精修之路，幡然前進。聖人於是多領聖體，全心默禱。世俗之紛繁酬應，屏絕無遺。類思瞻視，極其嚴肅。一路同太后自意大利亞國至西班牙國，後又日陪太子往朝，然從未曾一睹太后儀容。設使太后與他貴夫人同居雜處，必不能辨認，孰爲國母，孰爲夫人也。

發進會願

類思在弗老倫繁華場中，已發終身童貞之願，獻身於天主。而在瑪特利特京城，出入宮闈，功修更進。人間爵位，甘心盡棄。一意契合耶穌，并入其聖會焉。聖人年十五歲，又六月，定志離去世俗，服事天主。惟不知當入何會。值聖母升天瞻禮日，特行告解，善領聖體，切求聖母指示。忽聞心內有聲曰：汝當進耶穌會，快去向神師直陳其事。聖人之志乃決。遂至巴德爾諸神父前，直告之。神父詳細查察，知爲天主聖召無疑。然未敢輕易允許。蓋



恐或有風波也。

當日聖人卽以此意稟明其母，其母大悅，感謝主恩。并將愛子全心獻主，如撒慕爾之母亞納一般。惟聖人之父斐爾弟囊聞之，怒氣勃發，大爲不然，嚴叱之，恐嚇之，謂如若再來求請，必使僕人重責。聖人謙詞答曰：我若爲耶穌基利斯督，稍受苦難，實爲有福。斐爾弟囊見類思有德有才，計將一家基業，全賴聖人。故聞言之下，哀傷不堪，百計挽回其志，或甘言以誘之，或厲語以嚇之，無所不用其極。

留聖人於密良府，有九月之久。命治理各類事務，紛



33

2

騎羸母驢願人嗤笑

擾其心，使之變志。

人前受辱

類思此時尋覓機會，欲踐踏世俗榮華，以勝己私。紀聖人行實者，曾述一事如下。

一日，在密良府，逢大慶日期，眾人作塗面戲。凡貴家子弟，俱盛服乘馬會聚。類思亦出門，雖有良馬，棄去不用。獨携二僕，騎一母驢，老而且小。於城中熱鬧街市，徐徐而行，見者俱嗤笑不休。

辭去世爵

類思克苦祈禱，有增無減。其父計窮，終不能奪其堅

志、乃嘆曰。我兒、汝傷我心、亦已久矣。非我有私於汝、實愛汝也。汝實有可愛之處、我久已定計一家基業、望汝嗣續、而今已矣。汝力稱所欲行者、乃天主之命。往哉、至天主召爾之地、我不復阻爾矣。

先是、類思函致羅瑪耶穌會總長、述明已志。伊父亦有信呈遞彼處、旋得回信、蒙會長准往羅瑪初學院中。

聖人乃稟覆會長曰、承神父賜此洪恩、心中感戴、莫可名言。但因家父堅留、并未辭去沙弟隆世襲、故未能速卽來前。須俟國家恩准、讓於舍弟、方可。我意此



世襲侯爵聲明辭讓

事定局，當在旦暮間耳。

降生後一千五百八十五年十一月初二日，類思遵
皇命，在公撒格闔族人前，聲明所有世爵，讓於胞弟
落多爾拂。時類思穿耶穌會修士服色，至大廳上。闔
族齊集，眾人見之，莫不感動下淚。伊父哀慟更切。聖
人近前，敬親父手，安慰一番。且言世俗場中，極多危
險，富貴人救己靈魂，難得穩當。眾人聞之，不禁肅然
起敬。

明日至父母前，跪求降福。二親舉手降福，淚流如注。
數分鐘後，聖人拜別起程，滿心喜悅。

進耶穌會

類思既至羅馬府，投寓於同族之宗主教西表公撒格第中。進見耶穌會總長亞瓜未伐，跪地叩首，求准收入耶穌會。

同族中有多位紅衣主教，理宜往謁者。聖人一一拜見。十一月二十九日，引見教皇西思篤第五。教皇垂問，聖人敬答如禮，極有智識。羅馬諸大員，凡與類思往來者，見其容貌，端正溫和。聞其言論，識廣見高，莫不稱奇嘆美。西表公撒格嘗言：似此少年，何奇特至此。凡出一言，必先量其輕重，從無片語違理。



當時、從行諸人將告歸、聖人臨別贈言、無不允當。并託代爲勸勉父母、及闔族諸人曰、請語我父、經有云、爾宜忘汝民、及汝父之家。又請語我弟落多爾拂、謂畏天主者、必行善事。

西表公撒格熟識類思、至是、乃含淚曰、我兒、汝選定之地位甚好、請爲我求主、有幾位神父、伴主教至門首、主教顧謂之曰、我實語爾等、今日爾等收一天神也。

時在降生後一千五百八十五年十一月二十四、聖女加大利納童貞致命瞻禮日、聖人時年十七歲、又

八月十六日。

入院初學

聖類思於初學生中，最肯謙下。凡作賤役，則欣欣然反以爲幸。

視他人如長上，待自己如下人，見同伴有成德熱心者，每羨慕不置。

聖人第一專務者，在謹守公規。初至修院時，長者恐其不慣，有傷身軀，待之稍寬。

聖人在進院之前，堅欲修道，屢受艱難，非常克苦。至是，長上待之較厚，亦屬人情之常。而聖人非惟不願



聽司廚命洗滌碗盞

承受、且求神父不得從寬。故屢討廚房差使、作卑賤之工、以期無愧爲耶穌會初學修士焉。聖人自言曰、孰能知我快樂。如居於聖院之末哉、乃天主聖恩、引我出厄日多、而入此福地也。

羅瑪行乞

聖人視世子之爵、不但當棄、且宜苦求諸弟、許其早行辭讓爲是。伊心目中、除入會修道、無事可尊可貴。誠以修道之人、注意於永遠大事、常獻己爲天主光榮也。

故平居所專務者、惟克去私愛、棄絕世榮、以爲此等



作乞丐狀城中求食

克苦，比克苦肉身，更爲有益，且爲緊要。

屢求長上准穿破衣，肩背飯袋，如乞丐狀，乞食於羅瑪城中。有友問伊如此行爲，心中亦覺羞愧否。答曰：因見我主遺表，並無羞愧，且又繼之曰：是行也，無損於我。耶穌立神貧之德，吾等效法之，不可謂之大光榮耶。

聖人聽命之德，亦屬高超。貝辣而孟述曰：我與類思同居一處，長上有命，從未見其不悅服者。

聖人於微賤之役，最喜聽命。逢瞻禮二、瞻禮三日，年幼修士輪流至廚房當差。或於飯廳中收拾碗盞，搬

至廚下，將所餘食物，并集一處，以便分給窮人。然後洗滌碗盞，聽司廚之命。

聖人輪至此日，必慶幸異常。甚至另求長上，於閒常日，准其入廚作工。而長上無不允從者，蓋以聖人先求天主故也。

謹小慎微

類思愛守成規，雖細微小節，不肯自寬，每日必誦聖伯爾納篤所著之書數頁。一日，同初學諸生摺布，忽憶此書未誦，爰想摺布之時，本非限定，況同伴中已去幾人，我即早去，亦屬無妨。繼而轉念曰：我誦此聖



47

命待以辭談與臣宰

書、書中教我何事，必以遵命誨我。旣如此，何不將聖伯爾納篤訓我者，今卽行之。遂因聽命之故，不復思去，摺布如初。

一日清晨，有一紅衣主教，至更衣所內，欲與類思交談。聖人辭曰：「主教大人，我未蒙長上允許，不敢接談。」主教答曰：「天主保佑，我斷不敢碍汝規矩。祇因現有要事相商，我去求總會長神父，准汝此次不守默靜。」類思惟俯首順命，不出一言，得准後始交談。

著大神譜

降生後一千五百八十六年十月底，長上命伴同初

學神師，至納博里府養病。聖人在彼，頗苦水土不服。一千五百八十七年，奉命仍回羅瑪，在大書院中，補讀格物窮理及算數之學。類思智識精詳，剖決允當。伊師范施甘氏，超性學名士也。嘗謂學堂諸生，問難於余，無不立答。惟一日類思有問，竟不能答，可見聖人明悟之高超焉。聖人聰明不凡，加之讀書用功，除有時身體軟弱，長上不許讀書外，必先切求天主，而後發奮誦讀，故不多時，學業大進。當時院中有一位神父，患病，不能著書，聖人爲之代



著天神譜一卷。

想聖人著此書時，心中應如何感激奮勉。蓋護守天神，特保其性命之危，已有五次之多。況惟此有肉身之天神，能談天上無形天神之事，並與之爭先愛慕天主，修超性之潔德者也。嘗有名人，謂類思此書，大有神味，文理亦甚精妙。

眾人欽敬

當是時，類思誦讀祈禱，甚覺安靜。忽家中大亂，須聖人前去調停。

當初，伊父斐爾弟囊俗務縈心，幸於臨終時，痛悔前



奉命還鄉郡人敬拜

非大發信德。在痛苦中嘗云。我今感激涕零。何從而來。我知此必我兒類思之功。因伊祈求天主。故我得有此也。

斐爾弟囊旣薨。落多爾拂承襲世爵。管理諸務。有食邑名索法林芒都亞主味增爵公撒格欲得之。相爭不下。勢將械鬥。芒都亞主之母急致信於類思長上。請准類思暫時歸家。從中調處。

類思奉長命束裝回家。路過沙弟隆地方。合城聞信。莫不爭先仰望。共嘆失此賢君。所經之處。人都屈膝致敬。伊母欣愛之餘。異常恭敬。一見聖人。喜極淚流。

即速下跪，俯首至地，一若忘其爲母也者。

勸和兩家

聖人性本謙卑，此次被人敬重，心中所覺之苦，如致命然。至安排諸事，所言之理，極見功效。初，味增爵侯，不論親族，凡來相勸者，必抗拒不從。獨類思所言，無不悅服。且謂我欲眾人明知，從前不論何人勸我，我俱不聽。今日看類思顏面，諸事允諾。類思在家中，又勸止別種惡表。沙弟隆總鐸請聖人升座，向眾宣講片時。眾人見此二十二歲之少年，聲音洪壯，言語精工，一若此音來



和 勸 理 據 睦 不 家 兩

自天上聽畢，俱感激流淚。

類思乘人心感動，勸之告解領主。是日，眾人卽在堂中，滌罪洗心。

明晨，聖人躬親領主。伊母及弟落多爾拂率其弟夫人，并宮中顯宦族內親朋，共七百餘人，從之恭領聖體。

聖人愛主

類思自家回羅瑪，同學觀其行事，聽其言語，覺其心別有所向，不復在人世間矣。是可謂盡脫世上諸物，惟活於天主者。

斯時愛主之心，至於其極。塞巴利神父，聖人之長也。曾謂類思聆人言愛主之事，即發熱愛之情。一日，眾當飲食時，誦愛天主事。類思聞之，忽覺胸中熱愛，勃發難遏，不復飲食。旁觀者不知其故，恐係急病所致，俱注目視之。問伊缺少何物。聖人默不一言，併不欲人知其心事。只見其雙目下垂，淚下數行，耳紅面赤，胸間喘息不止。直至飯後，漸漸復原。吾儕見此情形，雖恐其心血上湧，然莫不生羨慕之心焉。有人明知愛主之事，極能感動類思。乃於散心時，故意論及天主愛人之事，欲見其發出愛火，以取快樂。然他人見



58

扶 旁 神 天 光 射 心 聖

伊甚憊、恐傷其身、遂以他語間之。

百年前有像一尊、上畫類思聖人出神越禱、愛慕耶穌聖心、旁有二天神扶持之、耶穌聖心發光、直射聖人之心。

然耶穌聖心以聖類思公撒格賜於聖教會、作爲少年表率、并爲後生主保、故於其德行光華之中、早收其清潔之靈、上升天國。

服事病人

天主降生一千五百九十一年、意大利亞國遭大饑荒、難民俱往羅瑪乞食、加之瘟疫盛行、死亡無算。



60

瘟疫盛行身親服事

耶穌會神父同心集資，救濟大難，親至病院，服事病人。

類思公撒格亦偕同人爭先救助，往來羅瑪街市，見富者，則向之求哀矜，以濟貧人。

聖人猶以爲未足，苦求長上，准其親身服事病人。一得准許，卽至病人之側，扶持調理，慇懃安慰。或爲之洗足，整理床褥。或勸勉其妄行告解，得以善終。

聖人臨終

類思日與病人相親，卒染瘟氣，病延日久，因念前奉天主默諭，謂己在世不久，明知死期已近，遂大發歡



心。

紅衣主教貝辣而孟述曰。此時也。我恐類思一死。修院內少年人失此盛德善表。故逼類思自求天主。久存生命。類思答曰。大人。天主賞賜吾人恩惠。其最大者。莫如死在聖寵之中。倘蒙天主大恩。我今卽死。可望得救我靈。蓋此世盡屬險危。誘惑不少。我何可求主。賜我尙存於此。類思此時。毫不畏死。我問伊欲誦助善終經否。伊安心答曰。願。我遂將此經朗誦。類思一一答應。毫無畏懼之狀。如送他人臨終然。類思之靈。清潔不凡。自幼熱心事主。無怪其死時安樂。毫不

畏懼。且切願離此肉軀。活於耶穌基利斯多也。

聖心先導

天主降生一千五百九十一年。六月二十一日。類思棄世升天。至一千六百七十五年。適於是日。真福瑪加利大及高隆汴神父。第一次行耶穌聖心瞻禮。降生後一千六百八十六年。聖母往見會芭蘭修院。亦於是日。奉獻合院於耶穌聖心。是爲第一次行奉獻之禮。或有問曰。耶穌聖心顯現於芭蘭修院。去聖人之時。約已百年。而敬禮聖心瞻禮。定於聖類思升天之日。

如此光榮，何特賜於類思聖人。我將以聖女瑪達肋納巴齊親見之事，答曰。因其在世時，常發熱情之箭，射中天主第二位物爾朋之聖心。今在天上，前日所射於聖心之箭，還射類思心上，留而不去。在天堂榮福中，常與天主結合。摯愛之情，亦永遠不息也。克老亞才神父著恭敬耶穌聖心一書，極有名譽。書中訓人得熱愛吾主及敬禮聖心之恩諸法。其中恭敬聖類思亦居其一。降生後一千六百八十九年八月初五日，福女瑪加利大致信於神父克老亞才云。神父大著中指明欲得恭敬聖心之恩，須求聖類思。



66

偕撒肋爵同朝聖心

公撒格，今懇神父賜類思全身聖像一尊，大小如高隆汴神父之像，以便供在耶穌聖心小堂內。克老亞才神父所著敬禮耶穌聖心書內，有一像，上繪聖母指示吾主聖心，令人恭敬。左右兩旁，有創立往見會之始祖聖方濟各撒肋爵及耶穌會修士聖類思公撒格，以表耶穌聖心選擇福女瑪加利大於往見會。而於耶穌會，選擇福女之神師高隆汴神父也。

現身療病

或謂類思公撒格乃耶穌聖心之聖人，此語極爲有



現身療病傳揚敬禮

理、因聖人屢此現身於病人、傳揚聖心敬禮也。降生後一千七百四十七年、教皇格肋孟第十三頒諭旨、欽定耶穌聖心瞻禮。不數日後、耶穌會修士瑟來斯底、病重垂危、聖人顯現、光耀滿身、榮華無比。行靈跡愈之、且謂之曰、因汝病時不求他事、惟求領臨終聖體、安聽主命。故天主許我之禱、賜汝病痊、得以前進修德。并欲汝終身盡力、傳揚耶穌聖心敬禮、此乃天堂之快樂也。

類思棄世之日、在降生後一千五百九十一年、聖體瞻禮後第八日。厥後耶穌聖心瞻禮定在此日、可知

聖人所以自天下降，廣揚聖禮，有自來矣。

天上光榮

聖人在天之光榮，非常奇大。聖教大日課經文中，述聖女瑪達肋納巴齊親見聖人天堂榮福，其大無比。蓋在一千六百年四月初四日，聖女於越禱中，讚嘆曰：聖依納爵之神子類思公撒格，何其榮光哉！倘非吾主耶穌賜我見此，決不能信。以我觀之，天上光榮，如類思所得者，亦已極矣。我敢明言，此小類思實爲大聖人。我願走遍宇內，佈告眾人，聖依納爵之神子類思公撒格，誠大聖人也。



71

天 上 光 榮 聖 女 目 覩



72

第一聖殿藏聖首

第一聖殿

類思升天後十三年，伊母尙在，教皇已欽准列入眞福之品。一千六百又八年，沙弟隆地方，創建聖堂一座，美麗輝煌，用敬類思。今此殿內，尙存聖人聖首。聖人有三位姪女，係落多爾拂所生。三女效伯父所爲，清心守貞。死後，天主顯蹟，屍骸不朽，今亦附存此殿。

欽立聖品

天主降生一千七百二十六年，聖教會行類思入聖品大慶。先是，聖人顯蹟甚多，時人多受大益。不論老



幼貴賤，凡有神形各種艱難，至聖類思前祈禱，莫不有求必應。眾人感激之情，因是愈大。其時聖人顯各種異蹟，如偶缺麴麥油酒，器中不加自滿。百姓皆見所未見，聞所未聞。且此自增之麴麥油酒，可治百病。聖人賜人神靈之恩，尤大尤奇。凡敬之者，必自覺愛慕清潔，并樂行天主之事。因此，歷代教皇命人特敬聖類思，以保潔淨之德。

學生主保

降生後一千七百二十九年十二月二十二日，教皇欽定聖類思公撒格爲教中少年人主保。自此以後，



76

主保幼生三聖同揆

恭敬聖人之禮，更覺興盛。而於修道會、大書院、學校、學藝會等處，敬禮尤隆。凡各處之愛敬聖人者，必得保守無辜清潔之恩，堅心修德，勉行克苦工夫。

師長敬求

天主降生一千八百九十一年，學生主保聖類思公撒格升天後三百週歲。意大理亞西班牙等國學生，舉行大慶。羅瑪府特行大禮，熱鬧異常。往彼朝聖者，不可勝數。凡吾眾人，欲得敬禮聖類思之益，有一要事，不可少忽。卽爲父母師長者，當此世風日下，見少年子弟，不



誘掖後進共敬聖心

識聖教要理，日漸學壞。斷不可置之不理，任其自然。近今教皇頒發諭旨一道，內有云。朕再三叮嚀，汝等長上，須留心教育幼年之人，是乃家庭邦國之本。汝等宜大費心機，殷勤教導。自昔至今，汝等果已勤勞，嗣後亦宜格外加功，不可以爲已足。教皇之言如此，我等可不切求耶穌聖心，并請類思聖人轉達，以遵行教皇反覆叮嚀之事哉。


愈顯主榮



80

土山灣專繪

辛卯浣花日



24
B10

24

807354